



Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. III. Corollarium notatu dignum,

[urn:nbn:de:hbz:466:1-77342](#)

386 DISPUTATIO DECIMASEXTA

aliunde juvetur) non videtur legitima: Nam licet summa delectatio & summa tristitia, comparatione ejusdem objecti opponantur contrariè, tamen includunt, aut saltem inferunt contradictionem, quia tristitia importat actum per modum recessus & fugæ; delectatio autem dicit actum, per modum accessus & prosecutionis: Sed contradictionia per nullam potentiam verificari possunt: Ergo nec sumnum gaudium & summa tristitia respectu ejusdem objecti simul existere.

17. Confirmatur: De potentia Dei absoluta fieri nequit, ut quis recedat à termino à quo, & simul quiescat in illo, eo quod recessus ab uno termino includat negationem quietis in eodem termino: Ergo similiter est impossibile quod voluntas per summam delectationem quiescat in aliquo objecto, & per summam tristitiam fugiat & recedat ab eo. His ergo solutionibus prætermis-

18. Ad objectionem respondeo cum S. Thoma loco citato in resp. ad 1. Majorem esse veram, si tristitia & delectatio sint de eodem objecto, & sub eadem ratione: si vero vel erga diversa objecta, vel erga idem secundum diversas rationes, gaudium & tristitia versentur, quamvis inter se opponantur, nec possint simul in gradibus intensis ex natura rei existere, de potentia tamen absoluta simul existere possunt: tristitia autem & gaudium quæ tempore passionis in anima Christi fuere, vel circa diversa objecta versabantur, vel circa idem sub diversa ratione consideratum; voluntas enim Christi etiam tunc summè gaudebat & delectabatur de visione beatifica, & summè dolebat & tristabatur de peccatis generis humani, pro quibus patiebatur. Item Christus tunc delectabatur de morte ut utili ad redemptionem hominum, & tristabatur de illa prout dissentientia naturæ: unde potuit fieri, & de facto dispensatione divinæ factum fuit, ut summa delectatio non excluderet summam tristitiam.

19. Dices cum Cano: Si hæc solutio valeret, sequeretur nullam tristitiam esse incompatiblem de potentia absoluta cum gaudio de eodem objecto: tristitia enim & gaudium semper objectum respiciunt sub diversa ratione formalis; nam tristitia, utpote fuga, illud respicit sub ratione mali & novicii; gaudium vero, cum per modum prosecutionis se habeat, illud sub ratione boni & convenientis attingit.

20. Sed negatur sequela, nam licet tristitia & gaudium, seu delectatio, semper differant & disconveniant in ratione formalis sub qua, ut argumentum recte demonstrat, non tamen semper disconveniant in ratione formalis quæ, sed quandoque disconveniunt, quandoque non, subindeque interdum simul stare possunt, de absoluta Dei potentia, ut in praesenti contingit; quia nimis etiam mors materialiter, secundum diversas rationes formalem quæ fuit inspecta à Christo, ut jam declaravimus: interdum vero implicat ea simul reperiit, ut contingenter, si idem objectum materiale, secundum eandem rationem formalem quæ respiceret: v. g. quod mors Christi per respectum solum ad naturam, vel per respectum solum ad finem redemptoris, simul gaudium & tristitiam terminet, manifestam implicit contradictionem, cum tristitia (ut suprà dicebamus) importet actum per modum recessus & fugæ, delectatio vero per modum accessus & prosecutionis se habeat.

Objicies tertio contra secundam conclusionem:

A Christus sibi meruit scientiam seu visionem beatam: Ergo eam à primo suo conceptionis instanti non habuit. Pater Consequentia, implicat enim quod præmium, præsertim ultimum, sit ante meritum, eo quod meritum se habeat ad præmium, ut via ad terminum. Antecedens vero probatur: Perfectius est habere aliquid ex merito, quam sine merito; nam habere aliquid ex merito, est habere illud quodammodo per seipsum, habere autem sine merito, est illud habere ab alio, ut docet S. Thomas infra quæst. 19. art. 3. Sed Christo tribui debet id quod perfectius est: Ergo Christus scientiam seu visionem beatam sibi meruit.

Respondeo negando Antecedens, nam ut dicens infra, cùm agemus de merito Christi, licet Christus gloriam sui corporis, & sui nominis exaltationem meruerit, non tamen gratiam & gloriam animæ, quam in primo suo conceptionis momento a Deo recepit, quare hujusmodi dona non habuit tunc titulum meriti, seu mercedis, sed per modum nature, & titulus filiationis naturalis, & veluti per naturalem resultantiam ex unione hypostatica, ad quam in eo instanti ejus humanitas fuit elevata. Unde ad probationem in contrarium dicendum est, perfectius quidem esse per se loquendo habere aliquid ex merito, quam sine merito, per accidens tamen interdum melius esse aliquid sine merito habere, quam per meritum illud acquirere; quando scilicet habere illud ex merito, privat majori perfectione, qualis est habere illud per modum nature, & nunquam caruisse perfectione illâ. Solutio est D. Thomas infra quæst. 19. art. 3. in corp. ubi sic discurrevit: *Habere aliquod donum per se, est nobilissim quæ habere illud per aliud, semper enim causa quæ est per se, posterior est eā quæ est per aliud.... Quia autem omnis perfectio & nobilitas Christo est attribuenda, consequens est quod ipse per meritum habuerit illud quod alii per meritum habent, nisi sit tale quod ejus carens magis dignitatem Christi & perfectioni prejudicet, quam per meritum decrescat. Vnde nec gratiam, nec scientiam, nec beatitudinem anima, nec divinitatem meruit; quia cùm meritum non sit nisi ejus quod nondum habetur, oportet quod Christus aliquando istis caruisse, quibus carere, magis diminuit dignitatem Christi, quam augeat meritum.*

§. III.

Corollarium notatu dignum.

EX dictis intelliges, Christum verè à Propheta admirabilem dici, & à SS. Patribus recte divinum enigma, & paradoxum appellari: in ipso enim tot cernuntur mirabilia, & quæ specie tenus videntur pugnantia, ut merito de illo dici possit, *Non alibi miranda magis: in eo quippe, ut ostendimus, beatitudine & miseria, dolor, & gaudium, ac status viatoris & comprehensoris, mirabiliter quadam divina sapientia arte, federata & sociata sunt, & ut Doctor mellifluous serm. 2. super Missus est, eleganter expendit: In ipso agnoscitur longitudo brevis, latitudo angusta, altitudo subdita, profunditas plana. Ibi agnoscitur lux non lucens, Verbum infans, aqua sitiens, panis esuens. Videas si attendas, potentiam regi, sapientiam instrui, virtutem sustentari, Deum denique latitentem, sed Angelos reficien tem, vagientem, sed miserios consolantem. Videas si attendas, tristari latitiam, pavere fiduciam, salutem pati, vitam mori, fortitudinem infirmari. Sed quod*

DE SCIENTIA BEATAE ANIMÆ CHRISTI. 587

non minus mirandum est, ipsa ibi cernitur tristitia latificans, pavor confortans, passio salvans, mors vivificans, infirmitas roboran.

24. Similia habet Richardus à S. Laurentio lib. 4, de laudibus Deiparæ, ubi mirabilem hanc rerum inter se pugnantium & dissidentium, in Christo concordiam, hac ritimicâ expressione eleganter celebrat.

Mira rebus conversio,
Longitude brevis efficitur,
Latitudo conficit cernitur,
Complanatur profunditas,
Altitudo demissa subditur,
Virtus jacet, potestas regitur,
Infirma nutat firmitas,
Langue salus, pavet fiducia,
Sordet nitor, plorat lexitia,
Tristatur consolatio,
Disciplinam subit prudentia,
Vilitati se subdit gloria,
Eget pasture refectio.
Invenitur panis esuriens,
Aret siti fons indeficiens,
Libertas iugo premitur.
Esse subit nunquam incipiens,
Loco manet locari nesciens,
Et vita mortem patitur.
Quis hoc vidit, quis istud didicit,
Quis hoc satis mirari sufficit,
Et quid est hoc miraculi?
Quid hoc? Ipse profectu deficit,
Imò suo defectu reficit,
Deus defectum facili.

ARTICVLVS II.

Vtrum anima Christi per scientiam beatam omnes creaturas possibiles in essentia divina cognoscat?

§. I.

Premittitur quod apud omnes est certum, & conclusio negativa statuitur.

25. **U**T certum & indubitatum in Theologia cum D. Thoma hic art. 1. supponimus, animam Christi per scientiam beatam Deum non comprehendere, tum quia nullus intellectus creatus, etiam de potentia absoluta, potest Deum comprehendere, seu divinam essentiam tam perfectè cognoscere quantum cognoscibilis est, ut in Tractatu de visione beata ostensum est. Tum etiam quia in Concilio Basiliensi sess. 22. tanquam erronea in fide damnatur haec propositione Augustini de Roma, Archiepiscopi Nazareni; *Anima Christi videt Deum tam claram & intensè, sicut Deus videt seipsum.* Et 2. part. directorij Inquisitorum questi, 11. inter errores Arnaldi de villa nova Medici, damnatos per Inquisidores, secundo loco iste refertur: *Quamvis anima Christi fuit unita divinitati, statim ipsa anima scivit omnia que Deus scit.* Est igitur error in fide, assertere animam Christi per scientiam beatam Deum comprehendere, seu cognoscere quantum cognoscibilis est. Unde scit Albertus Magnus in 3. dist. 14. art. 1. *Solus Deus comprehendit se, si enim diceremus, eum considerandi comprehensione capacitatis anima Christi,*

Tom. IV.

A videtur mihi quod hoc redundaret in blasphemiam Deitatis Christi.

Hoc, ut dixi, certum & indubitatum est apud omnes Theologos. Solum difficultatem ingerit testimonium Isidori cap. 48. in Exodus sic dicentis. *Sola sibi integrè nota est Trinitas, & humanitati suscepta.* Quae verba non nisi de cognitione comprehensiva intelligi possunt, cum integra Trinitatis cognitione competens ipsi Trinitati, vera sit Deitatis comprehensio.

Nec valet quod nonnulli Recentiores dicunt, testimonium Isidori non fideliter referri à D. Thomas hic art. 1. sed in Isidoro lib. 1. sententiarum cap. 3. sic haberi: *Sola Trinitas sibi integrè nota est, & humanitatem à Christo suscepta.* Non valet, inquam, haec evasio, nam licet verum sit quod in Isidoro lib. 1. sententiarum cap. 3. qui ad marginem D. Thomæ non bene notatur, haec verba legantur; loco tamen à nobis citato, & ex capite 42. in Exodus desumpto, habentur verba qua resulimus. Et ne quia dicat esse lapsum Typographi, notat Isidori Scholiastes octo manuscriptos libros, tam Longobardicis quam nostris characteribus scriptos, cum ista editione concordare. Unde cum D. Thoma hic art. 1. ad 1. dicendum est, Isidorum hoc dixisse, propter excellētissimam cognitionem convenientem animæ Christi Domini, quæ nulli alteri creature est communis, integraque appellatur, non quia sit comprehensiva Dei, nec maxima inter possibiles de potentia Dei absoluta, sed quia est suprema inter possibiles de lege statuta: quemadmodum supra disp. 13. art. 2. diximus, animam Christi dici plenam gratiæ habituali, non quod non sit possibilis major gratia de potentia absoluta, sed quia de lege ordinaria major & intensior dari nequit. Dici etiam potest, Isidorum loqui de homine assumptio, ratione divinitatis. Vel id dixisse ex opinione apud aliquos tunc recepta, quod per divinum intellectum cognosceret anima Christi, ut recte observavit P. Nicolai in scholiis ad articulum 1. hujus questionis. His præmissis, pro resolutione difficultatis proposita

Dico, anima Christi per scientiam beatam non cognosci in divina essentia omnes creaturas possibiles. Ita communiter Theologi tam domestici quam extranei, contra Hugonem à S. Victore, Alensem, Durandum, Scotum, & alios antiquos, assertentes animam Christi omnia possibilia in verbo per scientiam beatam cognoscere. In eo tamen discrepant, quod Hugo id concedit animæ Christi, ratione scientie & intellectus incretae, quam ipsi à Deo communicata esse docet, ut disp. præcedenti art. 1. vidimus; alij vero animam Christi per scientiam creatam omnia possibilia cognoscere assertunt.

Plures autem ad probandam nostram conclusionem adducuntur à Recentioribus rationes, quæ parum urgent, & facile dilui possunt: unde illis prætermitti, suadetur conclusio ratione D. Thoma hic art. 2. ad hanc formam redacta. Cognitio omnium possibilium in divina essentia cognita, est divina essentia comprehensio: Sed implicat intellectum creatum, & consequenter intellectum animæ Christi, Dei essentiam comprehendere: Ergo & omnia possibilia in eo cognoscere. Minor patet ex supra dictis, & à D. Thoma hic art. 1. demonstratur.

Major autem in qua est difficultas, sic ostenditur. Eo modo unam in alio cognoscitur, quo in

Ecc e ij